

Galicia Ambiental chega a economía circular a 600 escolares galegos

Será no Día do Medio Ambiente logo de estar presente, nesta primeira fase, nun total de 36 centros educativos de toda Galicia

Ademais para celebrar o día mundial na defensa do medio ambiente, Galicia Ambiental, súmase á campaña #RefugalloCero promovido por Zero Waste

Oleiros, 4 de xuño de 2019

A Asociación Galicia Ambiental dará por finalizado, este curso escolar, o seu programa de charlas de sensibilización ambiental de divulgación da **Economía Circular** entre os máis novos, será este mércores 5 de xuño coincidindo coa celebración do **Día Mundial do Medio Ambiente**. Esta iniciativa de divulgación en centros escolares, que botou andar neste mes de maio coa colaboración financeira da Fundación C&A, rematará para este curso en vigor no CEIP Díaz Pardo de Culleredo e no CEIP Joaquín Rodríguez Otero, en Buño e continuará no curso 2019/2020 ao ter medio cento de solicitudes que a organización non foi quen de atender pola alta demanda en institutos galegos.

Este primeiro ciclo de conferencias percorreu toda a comunidade galega e estivo presente nun total de **36 centros educativos**. Nestas sesións, os máis de **580 alumnos** que participaron poideron coñecer os principios da Economía Circular permitíndolles así comezar a incorporalos xa no seu día a día e nas súas rutinas. Uns principios que van moito máis alá do concepto reducionista das 3R (Reducir, Reutilizar e Reciclar), e propón abordar a cuestión dos residuos como parte dun ciclo no que aplicar a sustentabilidade ao uso e ao consumo dos recursos. É dicir, xa non persegue unicamente a reutilización e a reciclaxe dos residuos senón que é máis ambicioso e procura **reducir o impacto ambiental** dende a propia concepción dos obxectos e que estes teñan cada vez un ciclo máis similar ao da natureza, onde todo se aproveita e nada se converte en refugallo.

Esta iniciativa de divulgación da Economía Circular cumpre ademais o seu compromiso co programa Advanced Leadership Foundation, no que participa Galicia Ambiental.

A iniciativa divulgativa impulsada pola asociación, está pensada para o alumando dos últimos cursos de Primaria, ESO, Bacharelato e ciclos formativos. As sesións permiten un primeiro achegamento do alumnado a este novo concepto de Economía Circular.

Este ciclo de charlas, que dende un principio tivo unha moi boa acollida nos centros educativos, verá a luz a súa segunda edición neste mes de outubro co comezo do novo curso escolar 2019/2020.

Por unha desplastificación da sociedade e dos espazos naturais

Da man deste programa de sensibilización a través das sesións divulgativas e co gallo do Día Mundial do Medio Ambiente, que se celebra este mércores 5, a Asociación Galicia Ambiental únese á campaña internacional **Refugallo Cero**, promovido por **Zero Waste**. O obxectivo deste reto é reducir ao máximo o consumo de plástico durante toda esta semana, dende o 3 ata o 9 de xuño, e pór en alerta dos problemas ambientais que xeran os refugallos de plástico dun só uso.

Dende Galicia Ambiental queremos desmostrar que vivir sen plástico é posible e tan só é necesario mudar un chisco as nosas costumes diarias. Apostamos por unha sociedade e uns espazos naturais desplastificados e mudando pequenos hábitos cotiás do noso xeito de consumir podemos reducir a nosa achega de plásticos ao medio. Con actos tan sinxelos como usar botellas ou envases de vidro, levar bolsas reutilizables para facer a compra ou mercando produtos a granel empregando bolsas de papel ou de tea ou mesmo envases de vidro podemos reducir o noso lixo diario de plásticos de xeito notable.

A Asociación Galicia Ambiental

A asociación de profesionais ambientais, Galicia Ambiental, é o punto de encontro e defensa de intereses dos profesionais do sector medioambiental. O **coñecemento, divulgación** e a posta en valor das **boas prácticas ambientais** de empresas, institucións ou persoas (participación en foros, órganos consultivos, grupos de traballo...) son os piares sobre os que se asenta a asociación. Outro dos obxectivos que moven ao colectivo, é a denuncia ante as administracións públicas e/ou a Administración de Xusticia, as Forzas e Corpos de Seguridade do Estado... de **prácticas ilegais ou lesivas co medioambiente** no ámbito da comunidade autónoma de Galicia, indistintamente de que a súa orixe teña relación con accións levadas a cabo



por persoas físicas, empresas, institucións, etc. Galicia Ambiental é unha entidade, sen ánimo de lucro, que integra a profesionais independentes e/ou representantes de empresas, institucións, corporacións de dereito público, medios de comunicación... que desenvolven a súa actividade profesional na área medioambiental, en definitiva, todas aquelas persoas para as que o medio ambiente é unha cuestión primordial.

Os nosos proxectos

Dende Galicia Ambiental promovemos o novo paradigma Economía Circular, a través do noso proxecto **Futuro circular** coa colaboración da Fundación C&A, apoiado en tres eixes fundamentais: a sensibilización da comunidade educativa, a divulgación e a desplastificación de espazos naturais. Desenvolvemos **charlas** en centros educativos e sociais en toda Galicia (e fóra se así nolo solicitan) baseadas na transmisión dos principios e o novo modelo da **ECONOMÍA CIRCULAR**. Colaborar con asociacións ambientais, veciñais, etc na execución de **campañas de recollida de plásticos** (e outros refugallos) en espazos naturais, é outro dos nosos obxectivos, así como profundizar nas accións de comunicación, como elemento sensibilizador da sociedade en xeral sobre a **problemática da reciclaxe e as verteduras de plásticos ao medio natural**.

Ademais deste proxecto, na actualidade, Galicia Ambiental desenvolve no ano 2019 **Árbores de Cinza**.

Pon as cinzas dunha árbore galega no teu fogar; con este xesto poñerás árbores nos montes afectados por incendios forestais. Así, con este lema comeza o noso proxecto **Árbores de Cinza** no 2018. Se o ano pasado fíxo se unha primeira acción financiada por crowdfunding, seguida duhna de creación de infraestruturas patrocinada pola Fundación C&A en Chandebrito... nesta terceira fase, co patrocinio do Festival da Luz – Boimorto, buscamos dar unha continuidade efectiva ao traballo iniciado coas **xornadas de divulgación** en centros escolares e colectivos sociais e cidadáns, aos que convidamos a colaborar nas accións de reforestación e transmite a mensaxe do proxecto que en definitiva no é outro que fomentar unha mentalidade de **prevención activa contra incendios**.

Saludos,

Benito G.Carril

DIRCOM GALICIA AMBIENTAL

604 000 742

www.galiciaambiental.org

<https://www.facebook.com/galiciaambiental/>

[@galiciaambienta](#)